



Publicaziuns officialas dils 03-12-2021

Damondas da baghegiar

Nr. 167/2021

Datum da publicaziun: 03-12-2021
Patrun: Banca Raiffeisen Cadi, 7180 Disentis/Mustér
Liug e parcella: Sumvitg-Via Sursilvana; 1679
Object: midar localitads da biro en ina habitaziun

Nr. 168/2021

Datum da publicaziun: 03-12-2021
Patrun: Münchbach Andreas, 7172 Rabius
Representant: Solpic AG, 7130 Glion
Liug e parcella: Rabius-Runs Su; 395
Object: niev indrez fotovoltaic

Il profils ein tschentai ed ils plans da construcziun ein deponi tier la canzlia communal.
L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da baghegiar Sumvitg enteifer 20 dis dapi il datum da publicaziun.

Il profils ein tschentai ed ils plans da construcziun ein deponi tier la canzlia communal.
L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da baghegiar Sumvitg enteifer 20 dis dapi il datum da publicaziun.

Sumvitg, 03-12-2021

Cumissiun da baghegiar

Radunonza da vischnaunca

La proxima radunonza da vischnaunca ha liug **mesjamna, ils 15 da december 2021** allas 20.00 uras a Sumvitg.

Gliesta da tractandas

1. Avertura e beinvegni
2. Elecziun da 2 dumbravuschs
3. Protocol dalla davosa radunonza communal dils 15-06-2021
4. Tractaziun ed approbaziun dalla revisiun parziala planisaziun locala – determinaziun dils spazis d'aua, zonas da prighel, zona da protecziun per l'aua sutterrana, plan general d'avertura traffic
5. Tractaziun ed approbaziun dil preventiv communal 2022
6. Fixaziun dils peis da taglia 2022
7. Revisiun dil reglament da traffic (DC 600.000)
8. Tractaziun ed approbaziun dils statuts dall'Uniun Nordic Surselva
9. Elecziun dils delegai per l'Uniun Nordic Surselva

10. Tractaziun ed approvaziun dil project remplazzament finiastras casa da scola Surrein e concessiun dil credit brut da 185'000 francs

11. Orientaziuns

12. Varia

Il preventiv 2022 sa vegnir retratgs sin canzlia duront las uras da spurtegl. Dils documents tier las tractandas 4, 7 ed 8 sa vegnir priu investa sin canzlia communal duront las uras da spurtegl.

Per la radunonza vala in obligatori da purtar mascra. Plinavon vegn menau gliesta dils participonts.

Sumvitg, 03-12-2021

Suprastonza communal

Clom da quens

Il quen communal vegn serraus cun **ils 31 da december 2021**. Per saver risguardar las expensas fatgas uonn el quen da gudogn e sperdita, ein tut quels che han aunc dabiens viers la vischnaunca supplicai da dar quen sil pli tard entochen **ils 17 da december 2021**. Nus supplichein tuttas fatschentas sco era ils officials da vischnaunca d'observar quei termin.

Sumvitg, 03-12-2021

Suprastonza communal

Serrada via Val Sumvitg

Ord motivs da segirtad resta la via Val Sumvitg **serrada** naven d'immediat sil tschancun da Val anen per tut traffic.

Sumvitg, 03-12-2021

Departament traffic

Sontgaclau a Cumpadials, ils 4-12-2021

Muort Corona viseta il Sontgaclau uonn las convischinas ed ils convischins da Cumpadials e Laus cun program alternativ:

– Sentupada cun Sontgaclau per in e scadin cun punsch e vin cauld, naven dallas 17.45 avon casa da scola a Cumpadials.

– Sin giavisch fa Sontgaclau sco usitau visetas a casa (cun certificat). Annunzias bugen sut 079 912 96 28

Uniun SumvitgViva

Sera d'advent sin plaz Cadruvi a Sumvitg ils 11 da december 2021, allas 18.00 ha liug a Sumvitg sil plaz Cadruvi ina sera d'advent per in e scadin. Nus selegrein sin vossa viseta! Cordialmein envida, *SumvitgViva*

Meisa da miezdi (gentar communabel) dalla Pro Senectute a Cumpadials

Pro Senectute Surselva organisescha ensemen cun Nadja Scolieri ell'«Ustria dalla Staziun» a Cumpadials ina meisa da miezdi (gentar communabel) inagada per meins, mintgamai il venderdis. Intent dalla meisa da miezdi dueiesser da promover la cuminonza ella vischnaunca da Sumvitg e contuorn denter las persunas ella vegliadetgna dalla pensiun. **Obligaziun ei il certificat Covid tenor prescripziun dalla Confederaziun**

Liug: «Ustria dalla Staziun», 7176 Cumpadials

Datum: venderdis, ils 10 da december 2021, 12.00

Annunzias: Ein da far entochen **mesjamna**-sera tier «Ustria dalla Staziun», Cumpadials, tel. 081 943 19 22

Apparat d'udida

Gliendisdis, ils 6 da december 2021 saveis Vus schar schubergiar e rugalar Vies apparat d'udida:

9.15–10.30 en Casa sogn Martin a Trun

11.00–11.45 en Casa sogn Giusep a Cumpadials

13.15–14.30 el Puntreis, Center da sanadad a Mustér

Dunna Giger dalla firma Amplifon e signur Gfeller dalla firma sorprendan comunabla-mein quei survetsch gratuit per tuts interessents. Ei drova negina annunzia.